

寶應縣志

第五冊

寶應縣志卷十四

人物志

孝友

宋

蔣伍

明

王鳳 裔孫 大儒

孫著

張仁 楊科嗣 源胡悌

鄭本

范峒

吉琳

張纏 子京

吳禮

徐朝遠 子宸

鄭之鴻 弟子 鼈

清

寶應縣志 卷十四 目

人物志

房毓麒

朱四輔

季履祥 張拱 化等

吉登庸 子貞

朱國棟

周士選

未之珽

成憲 康泰 原正

潘鳳毛

吉心培

張崇璫

梁師孟

劉冠荀

張枏

季鳳儀 張大美 王德尊

華懋義

謝相清

成載勳 喬學 孟 周焯

朱長春

湯元福

張三 以上同治 四年旌

湯鎰

劉馨

張秉燧

劉銳

祁元福

葛松

馮體仁

劉桂榮 子書 雲

登雲

楊登善

張岱山

張彥方

陳尚信

成起任宗鑑高宏劉昇 芮序官王鍾麟王銘

以上同治 十一年案

衡 鈞 劉源巘 趙 賓 喬逢恩

王萬成 董保恆 徐問學 胡樹義 子靖庭 刁德慎

芮獻玲 以上同治十三年案 張守正 張曾 楊景員

施基高 劉 銖 姜橋林 劉啓勸

梁景尚 張金貴 薛籙錢萬成吉元太胡樹滋孫懷慶朱光裕以上光緒五年旌

刁彭齡 光緒十二年旌 楊榮福 張燦 徐禮達 子嵩齡

以上光緒十四年旌 刁壽昌 朱百遵 以上光緒十九年旌

朱元德 光緒二十二年旌 張彥儒 子煥華 張秀文

高廷幹 喬 階 以上光緒二十二年旌 季景龍

光緒二十七年旌 劉元浩 弟光誥姪壬森翔雲光緒二十九年旌 劉 煜

寶 應 縣 志 卷十四 目 二 人物志

周泰觀 江鴻猷 朱文鳳 魯官禮張潤棠薛春瀛徐信國以上光緒三十二年旌

范士齡 王世清 成汝成 以上宣統二年旌

高尚志 楊正邦 華修鈺 劉振輝 問長泰

張 黼 弟漢文 汪青選 弟青藜 薛天綬 范產采楊如恆 劉 載

陸敏哲 劉祐劉源崐 徐玉堂 楊遇春 成蘋刁佩瑜 潘鶴春

范紹棠 湯壽保 以上旌年未詳 王成章 陸 泰

以上同治十三年以悌弟旌 朱士棟 光緒十四年以悌弟旌

寶應縣志卷十四

人物志

孝友

蔣伍軍師村人宋嘉定九年母孫氏目盲伍自剜左目和粥以進母目頓明詔表所居之巷曰昭孝坊

道光志

王鳳字朝陽成化十二年歲貢少孤事母鄭氏至孝母病頭癰潰爛不可近鳳朝夕揩拭膿穢侍奉湯藥久而益勤母竟弗起鳳時年十七哀毀骨立既葬廬其墓一夕雷雨作母弟鄭綱往視之鳳號泣墓上聲不絕嘗有羣盜夜入其廬見鳳容色憂戚嘆曰此孝子也奈何驚

寶應縣志

卷十四

孝友

三

人物志

動之以所盜他物遺之墓上自生松數株慈竹數竿曰就叢茂又有白兔馴擾其中人以爲孝感所致後除山東平度州同知將之任自勒己像侍側乃去居官有冰蘖操嘗輸租銀於京羨餘千兩貯之公帑署考時有昔聞考行今著廉聲之語其裔孫大儒亦以孝稱

道光志

孫著性醇謹事親能順適其意父鸞嗜飲著徧言於所常飲酒家父來第恣其飲不取酒讎積數日則著增其讎與之或先置錢於酒家令酒家邀其父飲父嘗病中滿醫云須百蝦蟆納豬肚中食之可愈時冬月著覓之野竟得之里人異之以爲孝感著曰以吾父疾傷彼百

命吾不忍也乃盡放之而自以股肉納豕肚中父食之

尋愈縣令李瓚立棹楔旌其門

道光志

張仁自幼寢食未嘗離父母左右既長不娶曰恐間吾

父母也父母既終復不娶曰無親可養何娶爲蓋終其

身不娶亦以兄有子能不絕親後云同時楊科蒯源胡

悌並以孝稱巡按御史皆給粟帛旌其門

道光志

鄭本字如淵一字竹南正德二年歲貢生事親孝每食

甘脆必懷歸遺母偶出遊暮必玩弄於母側如嬰兒爲

人疎豪跌宕在太學名振六館尤工繪事子器別有傳

道光志

寶應縣志

卷十四

孝友

四

人物志

范峒字邦鎮正德十四年歲貢生桐鄉餘千縣教諭平

生無妄語風度端凝嗜學砥行鄉後進多出其門居母

趙喪廬於墓事兄嵩如父年躋百歲猶終日危坐大吏

扁其門曰天壽儒彥

道光志

吉琳字孔璋正德十六年歲貢性古朴曾拒鶉奔婦不

納父進雙瞽琳每夜焚香禱北辰一日遇方士投之藥

目忽明尋失方士所在人以爲孝感云

道光志

張纏字南橋居鄉醇樸以禮法自守耕田食力教其子

讀書世隱滌上年八十餘不知公門所向萬曆三十四

年有司上其善行子京字子承薰於善良而孝行尤篤

其父母俱享大年京承顏順旨依依膝下數十年如一  
日父病刲股以救醫來必跪拜致敬疾甚不能進湯藥  
輒度以口及居喪擗踊哀毀圖父形於壁朝夕問視如  
生時既葬廬於墓其事母亦如之有司表其父子以善

孝上聞

道光志

吳禮字中節奉母祁氏以孝聞宏治十四年歲貢授州  
判以母老乞終養歸母卒不復仕時年四十餘人擬之

唐何蕃嘗結廬蓼花莊著有蓼莊吟稿

道光志

徐朝遠字性至孝父從信好靜獨居東村隴側朝  
遠隨侍不離父病篤羹臂肉以進得瘳晚年舉鄉飲大

寶應縣志

卷十四

孝友

五

人物志

賓子宸字子極號松山邑諸生亦以孝友聞幼遇鄰里  
與之食必以奉親既長孝益篤父母所愛者必求以奉  
之父卒哀毀骨立慟不欲生水漿不入口者兩日夕既  
葬築室墓旁事之如生事母亦如之又堂弟宦有疾宸  
爲籲於神夢玄衣者語曰吾姓周稍知醫以汝孝弟來  
授方與汝弟及醒弟病霍然知縣李涑王應舉巡按王  
總督張皆先後給米帛並旌以額晚年舉鄉飲大賓父  
子皆清同治十三年補旌立碑墓側

鄭之鴻字陸雲弟之鼈字起雲崇禎八年母梁氏病篤  
之鴻割股救母立痊十年母復病醫者束手之鼈悲啼

晝夜亦割股進之母復痊邑舉孝行詳大吏給匾額冠

帶復其身

道光志

房毓麒字麒符天性孝友長益純篤父母有疾常不解衣帶遭喪毀幾滅性廬墓三年兄弟間分多潤寡視諸姪猶己出又好解忿濟急有鄰家爭地界卽毀垣讓之不與較偷兒入室贈以錢米令改行遇凍餒者解衣推食雖家無儲積終身行之不輟康熙間入祀忠孝祠

志

道光

朱四輔字監師號鐵楞明末諸生少秉異質事親至孝讀書目下十行經史百家披閱殆盡有用世志抵掌談

寶應縣志

卷十四

孝友

六

人物志

經濟舌如懸河後棄舉子業游四方所至交悲歌慷慨之士平南王尙之信聞其名延致幕下禮遇甚厚未幾知之信將叛以母老辭歸人服其智四輔凡歷山川名勝古蹟輒流連嘯傲尤善題楹帖人傳誦之歿後入祀

忠孝祠

道光志

季履祥字逸天性純篤母疾久每夜焚香拜北辰下割股肉以進母遂瘳時又有刲股救親者張拱化父疾刲股和藥拜斗不倦刁慤年甫成童亦刲股救親朱克明生三歲喪父家極貧母胥氏織紵餬口克明稍長日營菽水以奉母母病刲股作羹母噉之遂甦克明諱不告

人也順治十年知縣祁登第以履祥克明等彙詳請旌  
更有顏恆田繼祖亦俱負至行

道光志

吉登庸字凌雲性純慤孝行尤篤繼母病亟登庸刲股

和羹以進母立愈子貞字希尹登庸年七十四抱疴貞

禱祈願以身代夜夢神告增父壽一紀登庸果至八十

九歲卒登庸兄登奎亦樂善舉賓筵邑令爲申告大吏

匾以評符月旦云

道光志

朱國棟字爾才父希武負物望舉鄉飲國棟事親孝歲  
稔謁貲產以奉晨昏並喜施與族黨多受其惠同治四  
年有司上其孝行

寶應縣志

卷十四

孝友

七

人物志

周士選字伯徵太學生事後母極孝教養孤姪不異己  
出處鄉里退讓橫逆相加弗校也喜施與凡施藥建庵  
造橋梁見義必爲親黨有所求應之惟恐後里中稱之  
曰善人順治十年知縣祁登第詳請旌曰一鄉善人

道光志

朱之珽字天遺康熙八年舉人事母晨夕不離側就禮  
部試出闈卽僦車歸人怪問之曰吾親老不可久離卽  
使獲第踰三年殿試豈爲遲耶以家事委弟終身無間  
言邑有集議是非力爭卽有觸忤無所顧邑令以憂去  
里人欲具呈上官留之之珽獨持不可或以爲拂令意



曰義不可留他非所恤也年五十六卒

道光志

成憲字子綱性至孝年十六失怙廬墓泣血三年墓前  
溪水盡赤事孀母色養備至歲稔家貧辛勤振作甘旨  
無缺撫三妹成立溫和醇龐里中稱長者知縣隆平趙  
炯擬薦賓筵未及卒曲阜孔繼鑠有成三孝子詩爲憲  
及康泰原正康泰字交三縣學生父周采以諸生獻河  
策遣戍瓊州康泰年十四隨父赴戍行次廣州父病有  
司趣就道康泰訴於巡撫范得留調治會資罄康泰歸  
稱貸隻身往返萬餘里覆舟遇盜瀕死者屢卒奉父生  
還原正字時夏年十七母張得羸疾原正五割股肉以  
救疾篤勺飲不能入原正以口度米汁徹晝夜者旬日  
母歿哀思三年致疾卒年二十同治四年有司上其孝  
行

寶應縣志

卷十四

孝友

八

人物志

潘鳳毛字萸階邑諸生性至孝嘗兩割股愈親疾又勇  
於爲義人以貧苦患難告者無所拒拂蒙犯霜露奔走  
無怨色家鮮餘財而推解不吝惜鄉黨稱爲善人邑令

吳之珽爲作潘善人傳

道光志

吉心培字芝田醫學訓科父履和字在中性和易事親  
孝友愛兄弟精於醫延者不計利遇貧乏轉資給之壽  
至一百一歲嘉慶二十二年詳請建坊於北門外心培

孝性尤篤母歿侍父無晷刻離夏夜扇於帷外冬則擁父足而眠亦業醫前邑令孫公源潮知海州召之辭不應父強使行幕中恆夜聞泣聲孫公詢知其憶親悚然送之歸道光十一年以孝行詳請亦建坊於北門外年

七十六卒

道光志

張崇璫字玉華父廷桂善病崇璫幼卽侍奉不怠父疾篤日取其糞嘗之及卒哀毀骨立父畏雷聞雷作卽奔墓前匍匐號泣家貧恃貿易餬口而養母甘旨不缺見市鮮必購之匱乏則解襯衣投質庫以爲常母卒崇璫年五十餘水漿不入口者累日鄰右火人共見黑氣一

寶應縣志

卷十四

孝友

九

人物志

道自天下屬四鄰皆燼而崇璫居獨存有司上其事得

咨部建坊

道光志

梁師孟字懷鄒國學生世居汜水鎮事親孝八九歲若成人親疾嘗糞甘苦以卜吉凶夏夜驅蚊牀簣間父素好善嘗苦鎮人渡河不便師孟體父意倡設義渡歲饑嘗施粥卹親族之貧乏者里黨欽其行爲請旌焉

道光志

劉冠苟字穎川廩生父卒江津冠苟走數千里蒲伏奔喪扶襯歸葬以哀毀嘔血致疾卒

張柎字木齋父歿哀毀骨立水漿不入口累日而卒  
季鳳儀字巢雲諸生母歿匱在室鄰火勢熾鳳儀伏匱

死守他屋皆灰燼寢室獨存又張大美業牙行事死如生木主前日奉三餐出告反面終身如一鄰火門閉不得出大美抱主誓以身殉火忽踰越得無恙又王德尊原名德寶恩貢父對病劇與妻凡五割股女亦嘗糞鄰火焚及其室德尊哭對棺側不去忽屋檐折火斷獲免華懋義字遵路國學生性至孝嘗割股救親不使人知潛以所割之刀埋於土未幾忽發爲柿大至合抱時人稱爲孝柿

謝相清字洪延縣學生爲人孝友淳篤尤善默體先志增修先塋置祭田以碑碣識墓表揚先德哀輯先世著

寶應縣志

卷十四

孝友

十

人物志

述行世復推及外家之無嗣者咸豐元年舉孝廉方正辭不就邑候周於諮贈篤行君子額旌之

成載勳字熙績蓉鏡父三齡承祭若成人年十一丁嗣祖母艱晝夜號泣旣葬事本生父母四十年誠敬愉婉如一日先是本生父苦家累逋負麤集載勳盡出嗣產償之家坐是中落道光十年父患脾疾不能飯載勳百計屏營手珍異以進獲痊冬父復病載勳時客皖聞信擢江行千里寢食俱廢比歸侍疾一月而父卒哀慟幾滅性及喪母擗踊哀毀如喪父時父母旣先後卒綿於力弗克葬無何竟齋志歿載勳植品端亮言動一秉忠

誠朱文定士彥校士越中客諸幕三年有薙氏爲某生求優等願以千金爲壽載勳正色拒之文定益奇重焉高郵胡泉表其阡曰孝清先生之墓又喬學孟字以直附貢生赴試聞母病兼程歸母患背疽起動非學孟不適侍牀第百餘日無倦色兄學顏病臥兄榻下者兩閱月病乃愈嘉慶元年舉孝廉方正邑令以學孟應固辭年七十五無疾終

周煥字孚吉天性純篤母早卒終身哀慕父好施與煥先意承志家故豐坐是垂盡日視膳問興居以爲喜憂父年八十餘喜就浴於外時煥年亦六旬必親爲盥類

扶掖有疾嘗湯藥侍飲食不脫衣冠者百餘日云

朱長春業薙氏以養父母父母歿廬墓三年墓距宅三里許服闋後日必往省終其身不改母張懼雷旣沒雷作必奔墓下號泣時人以漢王哀擬之墓在界東十三頃圩內丙寅秋二閘漫溢田盡淹沒茲圩獨存人謂孝感所致因名曰孝子圩

湯元福業農事親極孝親沒手刻木爲像朝夕奉祀冬夏易以繡葛事之如生邑侯郝植松贈刻木事親額旌之

張三業朽鏝得資以奉孀母年三十餘不娶曰吾業薄

技僅足養母娶妻則吾母不得飽且恐間吾事親之心也後母歿晝夜號哭二十餘日卒

以上同治四年旌

湯鏜字玉聲事親至孝家貧遊幕佐甘旨母王好施與鏜盡出所餘以濟之親疾廢眠食晝夜禱神求代居喪哀慟茹素三年鏜學宗程朱與鄉賢朱澤澐相友善雍正間詔舉賢良同邑劉師恕官直督擬疏薦澤澐與鏜皆固辭不就年六十五卒著有朱子粹語四卷

劉馨候選按察司照磨事節母以孝聞母羸善病馨侍奉湯藥衣帶不解者累年後母病劇嘗糞復刲股以進張秉燹家貧教讀自給典質供母甘旨母久病櫛髮滌寶應縣志 卷十四 孝友 十一 人物志 器諸穢役必躬親之出必懷果餌歸餉親母年八十二始卒教弟以誠始終無間邑令鄧澤培贈清貧色養額旌之

劉銳家貧負薪養母菽水不絕母病嘗糞遵親訓舉止必端主事劉台斗推爲族中坊表

祁元福候補中書科中書事母備極色養母好善元福體親志散財濟貧家素封坐是中落云

葛松字晴峯監生父世文早逝遺腹生松母華年踰三十苦節自誓松事母曲意承歡不離左右數十年如一日迨卒擗踊哀毀葬隔父墓二十餘里每往兩地相望

輒泣下傍母墓築廬時往省以爲常劉芷裳博士爲題  
曰雲舍有瞻雲圖一時題贈甚夥幼賴叔教誨及長事  
之如父性尤篤厚推解不吝鄉里稱爲善人

馮體仁父病酒隔禱天願以身代父日食若許體仁亦  
如之侍寢三年命幾絕父歿葬於家日掃墓終身不倦  
劉桂榮原名源嶠字次源號馨山台拱子廩貢生性純  
孝生母夏教督極嚴桂榮婉容愉色一秉至誠年五十  
猶依依若嬰兒母怒必跪階下俟色解乃已或鞭笞見  
血無幾微不豫色友愛尤篤接人以誠於世機械狙詐  
之習一無所知官銅山教職捐修文廟葺節孝祠以疾  
寶應縣志 卷十四 孝友 十三 人物志  
卒於任子書雲咸豐六年進士官內閣中書次子登雲  
皆有孝行母疾同時嘗糞登雲尤純竺有父風年二十  
八卒

楊登善年才數齡嫡母潘卒號泣不已家故貧復以歲

饑父鬻其生母陶登善晝夜啼哭服毒死

按光緒五年案內  
有孝子楊登善事

蹟年月差同似  
卽登善重見

張岱山事父母至孝歲飢甘旨無缺母鄒患痢半載岱  
山衣不解帶凡治湯藥滌穢悉親任之迨卒哀毀骨立  
父復患中風侍奉益謹每哺父飲食或不咽吐出必自  
食之年餘父歿毀益甚旣葬常伏墓哀號觀者淚下人

呼其所居爲張賢人莊同治元年邑人舉岱山孝廉方正辭不就年八十無疾終

張彥方原名登邦家貧早失怙嘗泣曰吾不逮事父又無力奉母何以子爲故得食輒供母恆自忍饑日獲餘錢暮歸必市餅餌爲母夜餐初彥方七八歲時母病似膈彥方徧禱於神嘗於學塾伏案大慟師驚奇之後母病中風彥方晝夜侍奉顛神願減年益母時母年七十四垂斃復活者朞月迨卒哀毀骨立終其身孝思不衰邑令鄧澤培贈額旌之

陳尙信農家子事母三十餘年屢以割股救母疾無不愈嘗病篤尙信禱邑周宣靈王廟自剜臂肉裹創以歸所居去城數十里所過皆溪蕩風烈不能理篙楫尙信仰天泣呼遇神爲貰舟登岸以所割肉奉母又愈迨母病革尙信猶思割肝中夜復夢神止之及甦母卒號痛幾絕又有成起割股救孀母任宗鑑九歲割股救母高宏業儒母病割股進禱神減算益母得愈而宏早卒劉昇家貧出爲人僕父及繼母病嘗糞割股芮序官少孤貧食必奉母自甘忍饑母病篤割股以進廩生王鍾麟割股救父母病膈不食鍾麟誓從殉父諭止之以蔬食終其身王銘兩割股救父母皆愈

以上同治十一年旌

衡鈞字筱衫邑諸生事親能默體其志處家修己一以安親爲心家貧館穀助菽水一錢不入私室爲學宗程朱暇輒危坐澄心體認天理直州陳燮爲傳稱其孝爲立身行道之孝署其閭曰養志曲成

劉源巘字百泉道光壬辰舉人幼失恃事父及繼母曲盡孝思繼母沒事父養志承歡尤能默體無形施義舉竭千金弗恤出爲世父後事之如所生任靖江教諭以清廉稱初源巘祖世暮乾隆間任靖江訓導祀名宦源巘至邑人咸謂克繩祖武云

趙寶幼遭父喪哀毀盡禮事母能曲體其心母好施與寶先意承志重資毋恹色母病近一年寶晝夜不離藥必親嘗下至廁諭之屬皆手自屏當以進夜輒泣禱寒暑無間以積勞成疾卒督學部院彭給孝友可風額獎之

喬逢恩少孤生母王家法極嚴兄弟四人皆以孝友稱逢恩最幼尤有至性七八歲時有過母令受杖怡然無愠色或母責諸兄逢恩爲任過長跪聽命母顏爲霽母病革顚神前願減算增母倘母不起甘以身殉比母亡哀號累日而卒

王萬成汜水鎮庖人事父母備極色養道光間鄰火凡



四起皆延燒數十家萬成草屋數椽獨無恙人謂孝感所致  
董保恆農家子父病隔羣醫言不治保恆禱神剖股以進得愈後十年乃卒徐問學業農父病篤剖股肉以進父卒獨力養母二十餘年歲饑家貧百計供甘旨無倦色母病嘗糞以卜吉凶

胡樹義業儒兩次剖股愈父疾家故貧樹義治賈漸豐與兩弟析產以膏腴讓之而自受薄瘠子靖庭諸生幼能色養備至曲體親心母疾衣不解帶嘗糞卜吉凶

刁德慎孝事繼母父沒繼母命析爨猶爲服役飲其不寶應縣志 卷十四 孝友 十六 人物志  
足以爲常與異母弟友愛尤摯天雨則負弟入學稱貸以供脩脯晚年境小裕已置田產亦與弟均分無恹色繼母病將沒以孝友稱德慎不絕口

芮獻玲國學生少孤貧篤孝孀母歲稔自甘凍饑奉甘旨無缺母病竭力侍奉欲以身代親沒終身思之持身益恭謹撫兩弟并猶子成立不私己產

以上同治十三年旌

張守正附生事親至孝親沒廬墓三年張曾字會友諸生家貧力學父病嘗糞皆終身行善以承先志

楊景員郡庠生幼有至性深得父母歡母久病景員日夜侍側溽暑不離夜坐任蚊納噬膚弗恤目不交睫者

三月有餘父年邁命諸子分爨家貧債務麤集諸弟幼  
景員獨任憂勞家以再興與弟復合養之教之以慰親  
心

施基高字效天幼篤孝父病衣不解帶事祖父母亦如  
之家貧就賈所獲悉奉堂上父卒哀號欲絕粒殉以母  
在未果逾年母病憂勞成疾猶力疾侍側延三年母卒  
哀毀不顧身病亦岌謂其子曰吾隨母去矣遂沒生平  
勇爲善創惜字會延義學師濟急憐貧睦族恤舊弟婦  
守苦節數十年皆基高保全之

劉銖字德權幼遭父喪哀毀如成人少偶呼盧母憂之

寶應縣志

卷十四

孝友

十七

人物志

誓終身不復犯母疾不食銖亦不食謹侍湯藥未嘗遠  
離比卒慟不欲生會叔父母相繼亡貧無子爲營喪奉  
祀家益貧往役西壩工始得并葬三喪與弟鈴鋒友愛  
尤篤鈴偶忤銖委曲成之鈴泣銖亦泣後兩弟卒鬻宅  
以葬撫孤恤寡備歷堅苦又嘗全人婚姻代負逋欲自  
縊者償其金置渡船燈逢人輒勸善皆其隱德云卒年  
八十有三

姜橋林儒童父母先後病數月橋林侍側謹事廁牕之  
屬躬自摒擋家貧歲復稔甘旨不少缺

劉啓勳字贊侯諸生七齡遭母喪哀毀異常兒事父及

繼母柔怡奉養事必諮稟而後行光緒己卯隨父兄應鄉試父忽邁疾啓勸欲與兄同侍返里父不許遽道卒啓勸微聞父疾篤亟歸比至知己棄養驚駭仆地心肝崩裂冷厥逾時始甦如醉如癡者累日竟絕粒死時年二十四歲

梁景尙嗣叔父師顏爲子師顏有痰疾致廢景尙晝夜服勤不離理衣膳撤汗穢數十年如一日嗣父動入市見有所好輒取之景尙每厚償其直家窶貧景尙泊如也

張金貴母病膈金貴割左腓肉以進立愈家人洩其事

寶應縣志

卷十四

孝友

十八

人物志

母聞疾復發金貴潛割胸前肉置盤中忽不見復割一臠而先所割者復現並和藥進母病又愈薛錄屢割臂愈親疾並斷二指爲祈壽果獲大年錢萬成家貧至孝割股愈母病吉元太父逝家貧母病割肉焚香爲母祈壽胡樹滋父構疾劇樹滋禱於竈割臂肉忽不見又割右臂前割者尙存亟煎湯以進遂愈孫懷慶母病兩割股得愈朱光裕本遺腹子母病割股與諸兄弟友愛尤

篤好施與

以上光緒五年旌

刁彭齡同治庚午舉人性篤孝以脩脯供甘旨努力向學冀成親志與兄鶴齡已分爨兄積逋至數千金彭齡

盡捨己田償之後兄復以債逼求死彭齡更措金清逋

負得免年八十餘卒

光緒十二年旌

楊榮福字乃賡孝子景員次子性亦至孝父好施榮福因之施藥餌設義渡母戴疾屢嘗糞以卜張燦文孝子張彥方子父病燦文刲股進立瘥及卒悲愴骨立旋以疾終邑令鄧澤培以性真繼美額贈之

徐禮達家貧事親孝親有善念必多方成之親疾衣不解帶事嗣父母亦然及歿皆廬墓子嵩齡父病篤刲股進旋愈精歧黃有爲親延診必速往貧者或鬻衣物助

之

以上光緒十四年旌

寶應縣志

卷十四

孝友

十九

人物志

刁壽昌家故貧母早逝父有殘疾朝夕不離側疾篤同妻李茹素顛天得愈閱三年疾復作壽昌又刲股及歿哀慟致成聾瞶

朱百遵原名百迪字篤卿刑部郎中好施與尤篤孝友清水潭決夙夜謀振撫生妣田病劇禱于竈四十九日刲臂和藥進疾乃痊未幾父又疾不解衣帶者數月復刲肉父亦瘡季弟百遵游學六合一歲數往視代理其析產成室授之資有增焉

以上光緒十九年旌

朱元德字秉彝親病凡三刲股兩救父一救母皆愈父疾更嘗糞以卜吉凶後母歿哀毀逾恆遂嘔血卒

光緒二十二年

張彥儒字席珍光緒丙子歲貢生家貧館穀奉甘旨親疾籲天斬代及歿哀思不已一日講學至曾子養曾皙章流涕曰雖有酒肉親弗御矣弟子爲感動授徒以德行先成就者衆弟彥信患痼疾彥儒竭力撫治得終天年彥儒品學爲時所重年八秩猶依依孺慕應得壽榜舉人不赴試重游泮水卒年八十一門弟子私諡孝友著有學庸釋要蓼莪吟棣華吟等集子煥華亦孝子張秀文性篤孝瞽母多病秀文晝夜侍奉無倦色家貧懼間事親遂不娶以貿易餘資爲弟娶婦生子後鄰火延及其宅秀文挺身冒烈燄先後負父母出又入奉木主時火益熾遂被焚死邑令孔廣仁贈救親亡身額旌之

高廷幹農家子性至孝爲人難能母病劇廷幹齋戒割肝以進得愈

喬階邑諸生力學養親母患鼠核疾階百計屏當籲天求代凡三閱月目不交睫母歿奉親入殮哀慟感人父喪亦如之春社掃祭風雨疾病不缺年九十如一日姊

劉極貧階助以館穀歿殮殯之

以上光緒二十四年旌

季景龍字雨時武生親病篤祈禱嘗糞景龍沒後所居

草舍數免火厄

光緒二十七年旌

劉元浩原名源灝字靜岩廩貢生官六合縣訓導邳州學正性純摯六歲而孤哀毀如成人事母至孝家貧甘旨不缺先意承志數十年如一日母病篤刲股以進旋瘳司鐸六合遇覃恩適母壽七旬戲彩娛親無異兒時及歿喪葬盡禮待兄弟諸姪友愛亦篤弟光誥原名源清字鹿泉母疾刲股肉進戊辰客蘇州夢母病遽歸果驗晨夕侍養次年母竟歿山東學使潘斯濂延入幕有千以金者峻拒之曰義不苟取吾母訓也後入東藩李元華幕纖悉周至殫盡心力曰爲謀而忠亦吾母訓也

寶應縣志

卷十四

孝友

二二

人物志

官山左權德州吏目旋辭歸著有猗猗閣集同韻便覽光誥子壬森原名二雲字墨齡以孝謹稱光緒丙子夏省父疾山東徒步行千二百里足繭坼裂憂傷咯血己卯春以是疾竟卒翔雲原名五雲字書卿繼母丁患痰疾劇心虛惡嚮翔雲晝夜侍奉湯藥脫履跣步不敢揚聲目弗睫帶弗解者數十日母病以愈嘗有友爲人構陷翔雲爲白誣獲免誓終身不洩其事以防河績保府經歷光緒甲辰在山東劉旺莊堵口工次積勞病故東撫楊士驤奏准卹贈鑾儀衛經歷

光緒二十九年旌

劉煜字炳廷諸生母病數閱月煜旦夕不離目不交睫

母止之乃長跪禱於竈晨盥沐至母所若早起者一日  
母忽執煜手曰汝佯臥禱神竈君感汝誠姑使我綿憊  
不死然我數盡汝徒苦我且苦竈君也是夜母遂卒  
周泰觀監生母疾禱北辰祈壽疾愈未幾父母先後卒  
泰觀哀毀骨立廬墓三年兄弟間有負累者傾囊以償  
之江鴻猷家貧治賈以養親父歿哀毀成疾母年八十  
病瀕危鴻猷嘗糞借壽母竟瘳閱三載乃卒

朱文鳳字來儀父病篤文鳳禱神減壽益父次年母病  
又劇文鳳刲股和藥進及歿文鳳茹素啜粥葬則宿墓  
側魯官禮性篤實父病劇刲股進頓愈親沒事死如生

寶應縣志

卷十四

孝友

二二二

人物志

卒年九十有七張潤棠字沛南監生母病刲股進隨愈  
未幾父又病又刲股竟不起哀而成疾薛春瀛字海珊  
廩貢生親病篤刲股以進徐信國字實符諸生孝子嵩  
齡子家貧以館穀養親父病篤刲股歿則廬墓

以上光緒三十二年

旌

范士齡原名人炳字懿齡廩生母老多疾朝夕侍側藥  
必親嘗居母喪哀毀幾致不起自是外出必告於主嘗  
製一裘陳主前謂家人曰吾親向未嘗御此也啜泣久  
之少篤於學爲文有奇氣工書法嘗協修縣志以採輯  
多佚復搜訪貞烈節孝婦女請旌捐建總坊著有左傳

釋地寶應耆舊傳續循吏傳

王世清武生母疾嘗糞刲股得愈越年復患外症膿不  
得出世清以口吸之母嘗夜思食世清出覓值邑令夜  
巡督過之世清急歸進母食畢復出訴其狀邑令賢之  
成汝成母邁重疾汝成刲股和藥進驟愈及歿號泣呼  
天水漿不入口者三日

以上宣統  
二年旌

高尚志刲左臂肉瘳母疾又楊正邦亦以孝友聞

華修鈺字玉田六齡遭母喪哀痛幾絕繼母袁生兩子  
並歿憂而成疾修鈺百計承歡後父及繼母卒廬於墓  
側

寶應縣志

卷十四

孝友

一三三

人物志

劉振輝字朗仙增生家赤貧課徒養親父病中風振輝  
躬澣廁踰十數年如一日母早卒振輝年幼哀毀逾常  
童繼母老善病振輝設館距家遠間日歸省寒暑風雨  
不懈伯兄目失明振輝生養死葬之

問長泰字容彩柘溝人親歿縈夢必泣食新必薦日展  
墓風雨無間族子弟貧者爲建塾延師多所成名道光  
辛卯秋馬棚灣堤決長泰傾產振濟全活甚衆見善勇  
爲終其身不倦

張黼原名錦文字鏡涵孝子彥方子燦文弟恩貢生父  
患痿疾黼刲股二次籲天乞代父果瘳母病革黼晝夜



侍側者累月又屢嘗糞以驗吉凶及沒毀幾滅性葬祭以禮尤友於兄弟兄卒撫孤備至歲以館穀濟貧賙急嘗解己衣衣寒者見善莫不勇爲鄭州山東兩決口黼籌巨金以振全活尤衆卒年六十一弟漢文國學生母病兩次刲股壽逾七旬卒

汪青選字品之性孝友母老多病屢與弟青藜嘗糞驗甘苦時青選年十五青藜年十三青藜更糞股肉以進母病瘳

薛天綬字平格事親能以色養父疾刲股進遂愈范產采字公選增生母病刲左股肉進立瘳楊如恆字月躔

寶應縣志

卷十四

孝友

二四

人物志

歲貢生幼好學善屬文家貧筆耕供甘旨父疾篤號泣顛神刲股進旣歿遇諱日必先三日齋戒哭泣終夜喜賙人之急嘗興復惜字社

劉載字可軒諸生年未冠刲股療親鄉人欲上其孝行載堅謝之爲學一宗程朱性尤剛放邑有冤獄逮之急力爲白諸縣以平反之晚歲春日輒携酒放船野遊署其堂曰聞鶯其高尚如此

陸敏哲字時燠諸生侍父疾不脫冠帶者一載居喪哀毀備至事繼母喬尤孝謹與諸兄共讓產於繼母弟且教之成立又諸生劉祜事繼母亦以孝聞家貧竭力奉

甘旨撫繼母弟如因母又劉源崐字筱邨道光壬午舉人亦以孝事繼母稱

徐玉堂字雲卿監生父病痢自夏迄冬滌穢拭污未解衣就枕疾篤嘗糞禱天泣血與弟同居數十年友愛弗渝同治五年運堤決設食濟人多所存活

楊遇春字遂昌家貧少孤事母得歡心疾篤晝夜侍奉至廢寢食及卒哀毀成疾終身行善以體先志成蘋字澗南少孤家貧課徒奉母己飢寒弗恤母久病廁牕之屬皆躬自洗滌刁佩瑜母病刲股和藥進母歿哀毀致疾卒年十九

寶應縣志

卷十四

孝友

二五

人物志

潘鶴春業農家貧傭工所得易米麥以供母母卒葬亂墳側鶴春掘穴廬墓每食必祭聞雷伏墓呼曰兒在此終身如一日後卒即葬廬側人呼爲潘孝子墳

范紹棠字化南諸生父母皆善病紹棠日侍左右百計承歡母病篤禱神刲臂肉進母愈

湯壽保字定甫家赤貧母久病壽保晝夜不離日禱於神母目失明復晨夕飴以舌目漸有光母卒廬於墓日必數哭泣如是者十二年無病而終

以上旌  
年未詳

王成章字達夫號嘯軒歲貢生父病隔禱神乞代又嘗糞卜吉凶父卒事母奉養備至及歿成章毀幾殆事死

如生家故貧兩兄以食指衆恆不給成章傾館穀以贍諸姪婚嫁教養一以肩之復以兄老不任操作躬自刻苦率子姪奉養唯謹終其世不忍析居胞姊適李貧而寡成章時衣食之爲嗣其族子以兄女妻之垂歿勉子姪孝悌永守同居之訓年六十有一

陸泰幼失怙恃依世母居待之酷使自食其力泰艱苦勤儉依人廡下稍自給卽孝養其世母世伯卒從兄固早逝撫其孫如己子

以上同治十三年以悌弟旌

朱士棟字叔臣太學生候選縣丞父老兩兄俱讀書命治家政士棟奉養之餘辛勤任厥事長兄士楨先卒孤

寶應縣志

卷十四

孝友

二六

人物志

患疾篤士棟夫婦親爲撫治歷三月餘靡所於間父卒事仲兄士恭如父師朝夕趨侍事必秉命而行心力或絀得兄言必堅忍以從之士棟儉以持己然邑中善舉若助軍餉拯難黎施藥材一聞兄命輒傾囊濟之咸豐三年賊陷揚州邑人多遠避士恭命士棟同首倡捐協縣令募死士守城邑賴以安士棟病年餘士恭日親看視士棟必強起謹立士棟卒士恭思弟成疾亦卒

光緒十四年以

悌弟  
旌

